

3817

281.6

4-21

1908

(67)

281-6

4-21

Կ Ա Ն Ո Ն Ք

Ի ՀՐԱՀԱՆԳՈՒԹԻՒՆ ՅԸՆՏՐՈՒԹԵԱՆ ԾԱՅՐԱԳՈՅՆ
ՊԱՏՐԻԱՐԲԻ ԵՒ ԿԱԹՈՒՂԻԿՈՍԻ ԱՄԵՆԱՅՆ ՀԱՅՈՅ

[Signature]


Գ.Է.ՈՒՆ Ա.

Յաղագս անձանց մասնակցողաց ընտրու-
թեան Ծայրագոյն Պատրիարքի եւ Կաթողիկոսի:

Յօդ. 1.

Ըստ 13-րդ յօդուածոյ ԲԱՐՁՐԱԳՈՅՆ Հաս-
տատեալ օրէնսդրութեան ի 11-ն Մարտի 1836
ամի՝ յաղագս կառավարութեան զործոց Հայաս-
տանեայց եկեղեցւոյ ի Ռուսաստան, ընտրութիւն
Ծայրագոյն Պատրիարքի եւ Կաթողիկոսի լինի
ընդ ձեռն պատգամաւորաց առաքելոց յիւրա-
քանչիւր վիճակաց երկու երկու, հոգեորական եւ
աշխարհական: Եկեղեցական պատգամաւորն պար-
տի լինել կամ ինքն թնամակալ Առաջնորդն կամ
անձն այն՝ զոր նշանակեսցէ նա յեկեղեցակա-
նաց, իսկ աշխարհական պատգամաւորն ընտրի
յամենայն պատուաւորաց Հայոց, ի Մելիքաց,

2010



2001

ի հարիւրապետաց և յայլոց յարգելի աշխարհական անդամոց Հայաստանեայց եկեղեցւոյ՝ որ ունին իրաւունս ընտրելոյ ըստ վաղեմի սովորութեան այսր եկեղեցւոյ:

Յօդ. 2.

Այսօրիկ ընտրեալ պատգամաւորք եթէ ոչ կարացեն դալ անձամբ ի վանս էջմիածնի մինչ ցնախորոշեալ ժամանակն ընտրութեան Պատրիարքի, ունին իրաւունս գրաւոր յայտնել զկարծիս իւրեանց՝ հասուցանելով զայն ի Սիւնհոգոսն էջմիածնի:

Յօդ. 3.

Իաց ի պատգամաւորաց մասնակցին ընտրութեան Պատրիարքի ամենայն անդամք Լուսաւորչական Հայոց Սիւնհոգոսին էջմիածնի և եօթն եպիսկոպոսունք յերկցագունիցն՝ եղելոց ի ժամանակին յայնմիկ յէջմիածին, իսկ ի դէպս պակասութեան եպիսկոպոսաց թիւն այն լրացի յաւագագոյն վարդապետաց տեղոյն:

Յօդ. 4.

Պրօկուրօրն Սիւնհոգոսի էջմիածնի պարտ է ներկայ լինել ի ժամ ընտրութեան ծայրագոյն Պատրիարքին էջմիածնի յաղագս հսկելոյ կարգին և բացատրելոյ զկանոնս ընտրութեան ի

դէպս ծագելոյ որ և իցէ երկբայութեանց ըստ այսմ առարկայի (Օրէնսդրութիւն յաղագս կառավարութեան Հայաստանեայց եկեղեցւոյ յօդուած 46):

Ծանօթութիւն: Եթէ երկբայութիւնքն այնքիկ առնուցուն զգարձուածս անվայելս կարգաց կարգաց և բարեկարգութեան, զոր պարտ է պահել ի ժամ ընտրութեան, յայնժամ իրաւունք են աւագագոյն Անդամոց (Կատարողի պաշտաման Կաթողիկոսի) թողուլ զժողովն այլում աւուր, ի ձեռս առնելով զհնարս վասն ածելոյ ի համաձայնութիւն զծագեալ երկբայութիւնսն:

Յօդ. 5.

Ընտրութիւնն կատարի յէջմիածին ի Մայր Տաճարին Սրբոյն Գրիգորի Լուսաւորչի՝ խստագոյն պահպանութեամբ արարողութեանց կարգելոց ի Հայաստանեայց եկեղեցւոյն՝ որք ամփոփին ի յառաջիկայս:

ԳԼՈՒԽ Բ.

Յաղագս նախընթաց կանոնաց՝ որք պարհին կաւարիլ նախ քան զընտրութիւնն:

Յօդ. 6.

Ի գալ հասանել մէն մի թեմակալ առաջնորդի, Տեղակալն Ատենապետի Լուսաւորչական

12229-58



Հայոց Սիւնհոդոսին՝ Աւագադոյն Եպիսկոպոսն Տաճարին Էջմիածնի՝ առաքէ ընդ առաջ նորա զԵպիսկոպոս մի և զԵրկուս վարդապետս, որք յետ քաղաքավար ողջունին առաջնորդեն նմա յորոշեալ օթեանն: Իսկ աշխարհական պատգամաւորացն ընդ առաջ ելանէ ի Ղազարապատէն կարգեալ Հիւրընկալ Եկեղեցականն, որ և ազուցանէ զնոսա ի սենեակս Ղազարապատին: Հիւրընկալն արձանագրէ յառանձին մատենի զանուանս ամենայն պատգամաւորաց եկելոց, նշանակելով զօր ժամանման իւրաքանչիւր ուրուք:

Յօդ. 7.

Յետ ժամանելոյ ամենայն պատգամաւորաց՝ հոգեւորականաց և աշխարհականաց, յետ ընդունելոյ զգրաւոր կարծիս առաքեալս ի Սիւնհոդոսն և յետ առաջադրութեան Տեառն Կառավարչապետի քաղաքական մասին Կովկասու վասն բացման ժողովոյն, նոյն իսկ հոգեւորական անձն առաջի առնէ ի Սիւնհոդոսն զցուցակ եկեալ պատգամաւորացն, որ ի նմին ժամանակի որոշէ զօր ընտրութեան Պատրիարք-Կաթողիկոսի և կազմեալ զօրագիր ըստ այսմ առարկայի՝ զքաղուածն յայնմանէ մատուցանէ Տեղակալին Ատենապետի Սիւնհոդոսի վասն կախեալն զնմանէ տնօրէնութեանց ի կատարել զսրբազան պաշտամունս ըստ հետադային:

Յօդ. 8.

Վասն գրադրութեանց ժողովոյն Լուսաւորչական Սիւնհոդոսն Էջմիածնի կարգէ զԱտենադպիրն իւր և զԵրկուս օգնականս նորա:

ԳԼՈՒԽ Գ.

Յաղագս մանրամասնութեանց ընտրութեան չորից երիցագոյն թեկնածուաց եւ վասն փութարկելոյ ի նոցունց գերկուս թեկնածուս յասիման Ծայրագոյն Պատրիարքի:

Յօդ. 9.

Յառաջ քան զընտրելն երիցագոյն թեկնածուս՝ ի տաճարին Էջմիածնի առաջի սեղանոյն իջման Որդւոյն Միածնի դնի գրասեղան, ծածկեալ կարմիր մահուտիւ վասն ներկայ պատգամաւորաց և հոգեւորականացն ի միաբանութենէ Վանիցն Էջմիածնի, և այլ առանձին սեղան վասն Պրօկուրօրի Սիւնհոդոսին Էջմիածնի:

Յօդ. 10.

Ի վերայ սեղանոյն այնմիկ դնին խաչ և Աւետարան, և երկուստեք աշտանակք երկու արծաթի՝ լուցեալ ճրագօք: Բայց յայսմանէ. 1.

Տպեալ օրէնսդրութիւն յաղագս Կառավարութեան գործոց Հայաստանեայց եկեղեցւոյ ի Ռուսաստան և Կանոնք վասն ընտրութեան Ծայրագոյն Կաթողիկոսի. 2, Հինգ ընտրողական թերթք՝ չորքն ըստ ձեռն թիւ 1, և մին՝ ըստ ձեռն թիւ 2՝ որ ընդ սմին. 3, Անուանական ցուցակ բոլոր աշխարհական պատգամաւորաց՝ որ ունին իրաւունս ընտրելոյ զԾայրագոյն Կաթողիկոսն ըստ վաղեմի սովորութեան Հայաստանեայց եկեղեցւոյ (յօդ. 37). 4, Անուանական ցուցակ սահմանեալ թուոյ հոգեւորականաց ի միաբանութենէ Վանիցն էջմիածնի և պատգամաւորաց եկեղոյ յընտրութիւնն. 5, Գրաւոր կարծիքք պատգամաւորաց՝ որք ոչ կարեն անձամբ ներկայ լինել յընտրութեանն. 6, Անուանական ցուցակ պատգամաւորաց՝ որք թէպէտ և պարտ էին ներկայ լինել ի ժողովին, բայց ոչ ժամանեցին անդր և ոչ առաքեցին ի Սիւնհոդոսն զկարծիս իւրեանց, և 7, Առաջադրութիւն 8. Կառավարչապետի քաղաքական մասին Կովկասու առ ի բանալ զժողովն:

ԴԱՌՈՒՆ Դ.

Յաղագս կարգի պարապմանց ժողովոյն:

Յօդ. 11.

Յորոշեալ աւուրն ընտրութեան Ծայրագոյն Պատրիարք Կաթողիկոսին պատգամաւորք ժո-

ղովին յիններորդում ժամու առաւօտեան ի Կաթողիկոսական վեհարանն, ուրանօր ընկալնու զնոսա Աւագագոյն սրբազանն տաճարին էջմիածնի և միւս անդամք Սիւնհոդոսին: Յետ այսորիկ Աւագագոյն սրբազանն հրաւիրէ զնոսա յեկեղեցի յունկնդրութիւն Աստուածային պատարագի և զգոհացողական մաղթանաց վասն առողջութեան և երկարութեան կենաց ՆՈՐԻՆ ԿԱՅՍԵՐԱԿԱՆ ՄԵԾՈՒԹԵԱՆ և բոլոր ՕԳՈՍՏԱՓԱՌ տանն, և յաղագս երգմնեցունելոյ զաշխարհական պատգամաւորս առ ի պահպանութիւն կարգաց և անկողմնակալութեան յառաջիկայ գործն:

Ժամնօթումիւն. Հոգեւորականքն ոչ ածին յերդումն, այնու ենթադրութեամբ՝ զի պարտին նոքա ըստ պարտուց և ըստ սրբազան աստիճանի իւրեանց պահպանել զայնոսիկ կանոն:

Յօդ. 12.

Մուտն ի տաճարն կատարի այսպէս. յառաջոյ ընթանայ կատարողն պաշտաման Պատրիարք Կաթողիկոսին (Երիցագոյն Անդամ Սիւնհոդոսին), ապա պատգամաւորքն Պատրիարքաց Երուսաղէմի, Սսոյ, Աղթամարայ և Կ. Պօլսոյ, զհետ նոցա երթան կարգաւ զոյգ զոյգ յաջմէ կողմանէ՝ Անդամք Սիւնհոդոսին էջմիածնի և Եօթն երիցագոյն Եպիսկոպոսսէնք տեղւոյն՝ ու-

ղեկեցեալ ի Պրօկուրօրէ Սիւնհոդոսին, իսկ յահեկէ՝ Թեմակալ եպիսկոպոսունք կամ պատգամաւորք նոցա կարգաւ նոյնպէս զոյգ զոյգ ըստ աւագութեան աստիճանի ձեռնադրութեան նոցա, և ապա զհետ նոցա երթան աշխարհական պատգամաւորք նովին իսկ կարգաւ ըստ աւագութեան քաղաքացն, և վերջապէս Ատենադպիրն Սիւնհոդոսին Էջմիածնի փակէ զընթացսն:

Ժամնօթովն ի ղէպս անյաջող եղանակի ոչ կատարի հանգիսաւոր մոտն այս, և պատգամաւորք ըստ հրաւիրանաց Աւագագոյն եպիսկոպոսի և Պրօկուրօրի Սիւնհոդոսին Էջմիածնի գնան ի Կաթողիկոսարանէ յեկեղեցի առանց պահպանելոյ զվերոյգրեալ արարողութիւնն:

Յօդ. 13.

Զպատարագն սուրբ և զգոհացողական մաղթանս մատուցանէ հանդիսիւ աւագագոյն եպիսկոպոս տաճարին Էջմիածնի, իսկ զինի աւարտման պատարագին և գոհացողական մաղթանացն վասն երկարութեան կենաց ՆՈՐԻՆ ԿԱՅՍԵՐԱՆ ԿԱՆ ՄԵԾՈՒԹԵԱՆ և համայն ՕԳՈՍՏԱՓԱՌՏԱՆՆ ՆՈՐԱ, Աւագագոյն եպիսկոպոսն յերգումն ածէ զամենայն առաջիկայ աշխարհական պատգամաւորս ըստ սահմանեալ ձևոյն (ձև 3) երգուեալքն ամենեքեան ստորագրեն զանուանս իւրեանց ի վերայ Թղթոյն երգման:

Յօդ. 14.

Ի միւսում աւուր կատարման այսր ծիսի ամենայն ներկայ եղեալքն և որք ունին զիրաւունս ընտրութեան Պատրիարք Կաթողիկոսի զտեղիս կալցեն շուրջ զգրասեղանով, որ եղեալ կայ առաջի Սեղանոյ Իջման Որդւոյն Միածնի (§ 9), ի միջավայրին Կատարողն պաշտաման Պատրիարք Կաթողիկոսի, յաջմէ կողմանէ նորա վերոյիշեալ պատգամաւորք չորից Պատրիարքաց և բոլոր հոգեւորականք, որ ունին իրաւունս ընտրելոյ զՊատրիարք Կաթողիկոսն ըստ աւագութեան ձեռնադրութեան իւրեանց, իսկ ի ձախմէ կողմանէ աշխարհական պատգամաւորք ըստ աւագութեան կոչման իւրաքանչիւրոցն:

Ժամնօթովն. Հոգեւորական անձինք՝ որք ունին իրաւունս բազմել ի տաճարին ըստ ծիսի Աստուածպաշտութեան պահպանեն զայսոսիկ իրաւունս և յայսմ նուազի, իսկ այլքն ամենեքեան ընտրեն յոտին կացեալ:

Յօդ. 15.

Նախ քան զամենայն երիցագոյնն ի բարձրաստիճան հոգեւորականաց գործակցութեամբ երկուց աւագ սարկաւազաց ընթեռնու զպատշաճաւոր սաղմոս և զաղօթս ըստ ծիսի Հայաս-

տանեայց եկեղեցւոյ, հոսկ ապա նոյն ինքն բարձրաստիճան հոգեորականն ասէ քարոզ ըստ պատշաճի, յորում յանդիման կացուցանելով ժողովոյն զվսեմութիւն գործոյն՝ որոյ վասն զումարեալ են, զպէտս եկեղեցւոյ և զայն բարօրութիւն՝ որում ակն ունի եկեղեցին յընտրութենէ արժանաւորագոյն Կլիսոյ իւրոյ, հրաւիրէ զժողովն, որպէս զի ի բաց մերժելով զամենայն վնասակար երեսպաշտութիւն, զուն զործեսցեն զի ընտրեալ Կլիսոն Հայաստանեայց եկեղեցւոյ կարացէ պահել զամենայն արժանաւորութիւնս կցորդս ընդ նորին վեհ աստիճանի, այնու ճշմարիտ և իրաւացի մտօք, զի զընտրութենէ արժանաւորագոյն Պատրիարք Կաթողիկոսի ամենայն Հայոց կախեալ կայ ամենայն բարօրութիւն սոյն եկեղեցւոյ և Կաթողիկէ Աթոռոյն ամենայն Հայոց Սրբոյ Էջմիածնի: Հոսկ ուրեմն Պրօփուրօր Սիւնհոգոսին Էջմիածնի ընթեռնու զառաջադրութիւն Տեառն Կառավարչապետին քաղաքական մասին Կովկասու վասն բացման ժողովոյն, և ժողովն սկիզբն զնէ ընտրութեան աւագագոյն թեկնածուաց:

Յօդ. 16.

Իւրաքանչիւր ոք ի ժողովականացն տայ զկարծիս իւր վասն ընտրութեան աւագագոյն թեկնածուաց ազատօրէն, ըստ ուղիղ հասկացողութեան իւրում և ըստ մաքուր խղճի մտաց:

առանց իրիք երկիւղի, և ոչ հայելով բնաւին յոչինչ օտարոտի առաջարկութիւն կամ ի մասնաւոր նամակադրութիւն, թէև իցէ այն ի պատուաւորագոյն անձանց յԱզգէն Հայոց. ամենայն ոք վարի այնպէս, զի կարացէ տալ պատասխանի յամենայնի առաջի Տեառն Աստուծոյ: Ուստի և իւրաքանչիւր ոք ի բաց մերժելով զամենայն յամառութիւն կարծեաց և անձանց՝ ջան զիցէ տեսանել ի կարծիս ընդհանրութեանն զհաստատուն հիմն ճշմարտութեան:

Յօդ. 17.

Իւրաքանչիւր անդամ ժողովոյն զկարծիս իւր պարտ է արտայայտել համառօտ, պարզ, ոչ հեռանալով առհասարակ յիսկական առարկայէն, յանդիման առնել նախ՝ զարժանաւորութիւն բարձրաստիճան հոգեորականի առաջարկելոյն յինքենէ, ապա զապացուցութիւնս և վերջապէս զակնկալեալ ի նմանէ օգուտն վասն եկեղեցւոյ:

Յօդ. 18.

Ի ժամ յայտնելոյ զկարծիս սկսանելով ի կրտսերագունէն և կարգաւ հասանելով առ երիցագոյնն, չէ՛ պարտ ուժեք ընդհատել զբանս այլոց, կամ խառնիլ ի խօսս նորա մինչչև է աւարտեալ նորա զիւրն առաջարկութիւն: Յայտնեալ կարծիք միանգամայն զրին ի Պրօփուրօրէն, և

յետ գրութեանն ընթերցեալ լինին բարձրաձայն,
և վաւերացուցանին ստորագրութեամբ անդա-
մոյն, որ տուեալ է զկարծիս:

Յօդ. 19.

Պատգամաւորն եկեալ յէջմիածին, որ ի
պատճառս հիւանդութեան կամ այլոց անակ-
նունելի զիպուածոց ոչ կարէ ներկայ լինել ի
ժողովին, պարտ է հասուցանել նմին զիւրն կար-
ծիս, ոչ թողլով զայն առ վաղիւն: Զնոյն պար-
տին կատարել և Անդամք Սիւնհոգոսին էջ-
միածնի, եթէ դք ի նոցանէ ոչ մարթացի ներ-
կայ լինել ի ժողովին ըստ անակնունելի հանգա-
մանաց: Ազատ են ի տալոյ զգրաւոր կարծիս
իւրեանց այնոքիկ և եթ պատգամաւորք, որք
ի պատճառս ծանր հիւանդութեան իցեն իսպառ
յանհնարաւորութեան տալ զոր և իցէ կարծիս:

Յօդ. 20.

Զայնք ամենայն անդամոց ժողովոյս այսո-
րիկ հաւասար են միմեանց:

Յօդ. 21.

Զկնի հաւաքման ձայնից բոլոր ժողովոյն և
հասու լինելոյ գրաւոր բացատրութեանց հասե-
լոց ի Սիւնհոգոսն ըստ 2 յօդ. չորեքին աւա-
զագոյն բարձրաստիճան հոգեւորականք ըստ բազ-

մութեան ձայնից տուելոց ի նպաստ նոցա՝ ճա-
նաչին ունողք իրաւանց ընտրեալ լինելոյ ի թեկ-
նածու, իսկ ի դէպս հաւասարութեան ձայնից
վիճակն որոշէ թէ ո՞րք համարելի է աւագ:

Ծանօթութիւն. Գրաւոր յայտարարու-
թիւնք բացակայ պատգամաւորաց պարտին
ընդունիլ ի հաշիւ՝ հաւասար ընդ ձայնից
ներկայ եղելոց յօգուտ այնր անձին, որ ի
յայտարարութիւնս յայնոսիկ նշանակի
յանուանէ:

ԳԼՈՒԽ Ե.

Ֆաղագս ընտրութեան երկուց քեկնածուաց
յաւսիճան Մայրագոյն Պատրիարք Կաթողիկոսի:

Յօդ. 22.

Յերկրորդում կամ յերրորդում աւուր
ի չորից վերոյգրեալ Աւագագոյն թեկնածուաց
անտի բոլոր առաջիկայ ժողովականք ընտրեն
զերկուս թեկնածուս յաստիճան Մայրագոյն
Պատրիարքի:

Յօդ. 23.

Ընտրութիւնն կատարի տուչութեամբ ձայ-
նից հետագայ կարգաւ:

Յօդ. 24.

Զկնի ընթեռնելոյ զպատշաճաւոր աղօթս և
արտասանելոյ զհամառօտ բան համաձայն այնմ

որպէս յիշատակեալ է ի վերոյ ի § 15, վերա-
ձայնի անուն առաջնոյն ի չորից աւագագոյն
թեկնածուաց:

Յօդ. 25.

Ի կարգալն զանուն թեկնածուին իւրաքան-
չիւր ոք ի ներկայ եղելոց, որոց են իրաւունք
ընտրութեան յայտարարէ ի ձայն՝ թէ արժանի
համարի արդեօք զառաջարկեալ անձն աստի-
ճանի Ծայրագոյն Պատրիարք Կաթողիկոսի:
Արժանի համարելն արտասանի միով բանիւ
ընտրեմ կամ ոչ ընտրեմ: Տուչութիւն ձայնից
սկսանի ի կրտսերագոյն յանդամոյն աշխարհա-
կան պատգամաւորաց, և այսու եղանակաւ
ելանէ ի վեր ըստ կարգին ըստ հիմանն՝ որպէս
ասացեալ է ի վերոյ § 18:

Ծանօթութիւն. Յայտարարութիւնք բա-
ցակայ պատգամաւորաց ոչ ընկալեալ լինին
ի հաշիւ ձայնից, որովհետեւ ըստ զօրու-
թեան § 17 ԲՍԸՁԲԱԳՈՅՆ հաստատեալ ի
1836 ամի Օրէնսդրութեան յաղագս Կա-
ռավարութեան գործոց Հայաստանեայց ե-
կեղեցւոյ ի Ռուսաստան, ընտրութիւնն
պարտի լինել միմիայն ի ձեռն ներկայ եղեալ
պատգամաւորաց:

Յօդ. 26.

Թեկնածուն՝ զոր ընտրեն, ոչ տայ զձայն:

Յօդ. 27.

Ձայն իւրաքանչիւրոց՝ զկնի յայտարարե-
լոյն ի գիր արձանացուցանի ի Պրօկուրօրէն Սի-
նօդի ի ցուցակի ընտրութեան, և վաւերացու-
ցանի իսկական ստորագրութեամբ ընտրողի:
Յորժամ բոլոր առաջիկայ անդամք տացեն ար-
դէն զձայնս, յայնժամ ցուցակն մատուցանի
Նախագահի ժողովոյն, որ համարեալ զձայնս
ընտրողականս և ոչ ընտրողականս առանձին
առանձին նշանակէ զթիւ այնոցիկ ի պատշաճա-
ւոր խորանս ընտրողական ցուցակի հանդէպ
անուան քուէարկեալ թեկնածուի:

Յօդ. 28.

Յետ այսորիկ ծանուցանի ներկայ ժողովոյն
թիւ ընտրող և ոչ ընտրող ձայնից, և սկսանի
ընտրութիւն միւս թեկնածուի նովին իսկ կար-
գաւ, և նոյնպէս մնացեալ երկուց թեկնա-
ծուաց:

Յօդ. 29.

Յորժամ քուէարկի աւագագոյն Հոգեւորա-
կան Անդամ ժողովոյն՝ որ նախագահէ ի նմին,

յայնժամ աւագագոյնն զկնի նորա յառաջիկայ
հոգեորականաց համարէ զձայնս, անցուցանէ
զայնոսիկ ի ցուցակ ելն, որպէս ցուցեալ
է ի § 27:

Յօդ. 30.

Զկնի աւարտման արարողութեան ընտրու-
թեանն՝ ի ձայն ընթերցեալ լինի ցուցակն չորից
ընտրեալ թեկնածուաց, յորոց երկուքն՝ ունողք
զմեծագոյն թիւ ձայնից, համարեալ լինին թեկ-
նածու յաստիճան Մայրագոյն Պատրիարքի:

Յօդ. 31.

Յընտրողական ցուցակի չորից աւագագոյն
թեկնածուաց նշանակի յանդիման երկուցն ի
նոցանէ՝ թէ նոքա ըստ առաւելութեան ձայ-
նիցն՝ ի նպաստ նոցին տուելոց, արժանացեալք
են թեկնածութեան ի կոչումն Մայրագոյն Պատ-
րիարքի: Այս ընտրողական ցուցակ ստորագրի
ի բոլոր անդամոց մասնակցելոց ժողովոյն, վա-
ւերացուցանի ի Պրօկուրօրէն և առաջարկեալ
լինի ում անկ է: Պատճէն յիշեալ ցուցակի
ստորագրեալ յանդամոց Սիւնհոգոսին էջմիածնի
վաւերացումամբ Ատենադպրի նորին մնայ ի
գործս Սիւնհոգոսի:

Յօդ. 32.


Բաց ի ստորագրեալ ցուցակէն պատրաստեալ
լինի առանձին օրագիր վասն ընտրութեան Մայ-
րագոյն Պատրիարք Կաթողիկոսին յերկուս օրի-
նակս՝ որ ստորագրի ի բոլոր ժողովականացն և
վաւերացուցանի յԱտենադպրէ Սիւնհոգոսի էջ-
միածնի, մին յայնցանէ առաջարկի ուր անկ է,
իսկ միւսն մնայ ի գործս Սիւնհոգոսին:

Յօդ. 33.

Յընթացս բոլոր ժամանակի պարապմանց
ժողովոյն ատենակալութիւն լինի ի տունջեան,
սկսեալ յիննեւորդ ժամու առաւօտին մինչ
ցերկրորդ ժամն զկնի միջօրէի, իսկ յերեկոյն
նշ բանի ատեն:

Յօդ. 34.

Յետ աւարտման ընտրութեան և ստորա-
գրելոյ երկուց օրինակաց ընտրողական ցուցակի
և առանձին օրագրոյ վասն ընտրութեան, ժո-
ղովն առաքէ զպատգամաւորութիւն յերից ան-



3817

110

ՄհՖ

— 18 —

դամոց իւրոց՝ զմի հողեորական և զերկուս աշ-
խարհականս առ Տ. Կառավարչապետն քաղա-
քական մասին Կովկասու վասն առնելի ի կող-
մանէ նորին տնօրէնութեան՝ ըստ 22-րդ ԲԱՐ-
ՁՐԱԳՈՅՆ հաստատեալ ի 26 ապրելի 1883 ամի
կարգադրութեան՝ որ վասն կառավարութեան
կովկասեան կողմանց:

Ի սեղի Տեսչի դիւանասան
Կառավարչապետի քաղաքա-
կան մասին Կովկասու

Փոխ-Տեսուչ Բագդէ

Ի սեղի գործավարի Օսեցկի

1908 թ.

Վարդապետ

Տպարան Ս. Էջմիածնի

